

新纂雲南通志

第四
卷十冊

新纂雲南通志卷二十八目錄

地理考八

湖澤

天啟

全省五大湖

滇池

洱海

品回

撫仙湖

異龍湖

附寶秀湖

瀘沽湖

各府湖澤

雲南府

翠湖

明湖

嘉利澤

大理府

青龍湖

周官湖及品甸湖

茈碧湖

東湖西湖

天池

臨安府

鯉湖

楚雄府

七湖

澂江府

星雲湖

曲靖府

東湖

陸涼湖

中延澤

車湖

麗江府

劍湖

開化府

老烏湖

永北直隸廳

程湖

廣西直隸州

矣邦池

泉潭

雲南府

大理府

臨安府

楚雄府

澂江府

廣南府

順寧府

曲靖府

麗江府

普洱府

永昌府

開化府

東川府

昭通府

景東直隸廳

蒙化直隸廳

永北直隸廳

廣西直隸州

武定直隸州

元江直隸州

黑鹽井

白鹽井

琅鹽井

附雲南各府廳州縣之水所屬水系表

附漢晉雲南水道考釋

新纂雲南通志卷二十八

地理考八

湖澤

本省湖澤之多爲本國西部各省冠有魚蒲之利有舟楫之便有灌溉之益有風景之美較諸河流尤重要焉

全省五大湖

滇池以居全國之巔得名跨昆明呈貢晉寧昆陽四州縣境而距昆陽城最近故一名昆陽湖爲盤龍江及桃源海源寶象馬料洛龍撈魚梁王大壩渠濫諸小河所匯

盤龍江發源嵩明屬邵甸黑龍潭南流右會自宋革東南來之牧養河爲盤龍江又南流入昆明境至龍頭村左分一支爲金稜河以古時

隄上遍植黃花得名現改稱金汁河其正支西南流右納銀稜河發源城東北二十五里黑龍潭以古時隄上遍植白花得名今改稱銀汁河又西南流至會城南與金稜河皆分爲數岔西入滇池○桃源河一名沙河發源昆明縣北桃源村南流至會城西左會翠

湖水入滇池○海源河發源昆明西聚仙山南流至馬街子入滇池○寶象河發源嵩明叭峽山小龍潭西南流入昆明境至板橋右納板橋龍湫水又西南至官渡入滇池○馬料河發源呈貢七甸水海子西流入昆明境折西南流入滇池○洛龍河有三源均出呈貢

東境曰黑龍潭西南流曰黃龍潭西流曰白龍潭西北流三源會於城東南為洛龍河又西流分數岔入滇池○撈魚河發源宜良西北寶洪山西南流入呈貢境又西流入滇池○梁王河發源呈貢梁王山西流入滇池○大壩河發源江川縣北關索嶺北流入晉寧境至石碑村左會由新興北來之大堡河又北流至小寨右納自盤龍西來之石子河又北流分為多岔北入滇池○渠濫川發源昆明陽西南境名清水河東流納數小水為渠濫川東北流至城東南入滇池

周二三百餘里東

西狹而南北長碧雞山之羅漢巖斜入湖中分湖為二部北部曰草湖小而清南部曰大湖闊而濁湖中饒魚類以金線魚為著名小汽船由省會通昆明陽帆船兼通晉寧灌溉交通發電均資其利碧雞山

今名西山

在其西岸大觀樓在其北岸並稱名勝吐口在西名石龍壩歷代

疏浚今並用以發電下流西北入安寧境為螳螂川

見河流普渡河

歸於金沙

江

洱海在太和縣

今大理縣

東以南北長而東西狹形如人耳得名古所謂葉

榆水西洱河昆明池皆屬此水漢武帝鑿其形於長安以習水戰者

也

今人以滇池為古昆明池者誤全祖望昆明池考辨之甚析

為彌苴悶地羅時波羅諸河及點蒼山十八溪之

水所匯

彌苴河二源東源出鶴慶西南境名梅茨河南流入浪穹（今洱源）爲大營河與西源會西源出浪穹龍谷山遙爲巨潭名寧湖有花似蓮而小名曰苳碧故湖一名苳碧湖南流右納羅鳳溪（浪穹城北東南流小水）與東源會折西南流

右岸有東南流之小水曰悶江東北流之小水曰鳳羽河合而東流經縣城南而來會折東南流入鄧川境注於洱海○悶地江源出鄧川北焦石洞南流匯爲東湖復自湖瀉出南入洱海○羅時江源出鄧川城北八里鐘山爲唐人羅時所開洩綠玉池水南流爲西湖復

自湖洩出爲江東南流入洱海○波羅江源出趙州城南四十里定西嶺北流經州城外折東又北入於洱海○點蒼山十八溪曰霞移溪陽溪萬花溪芒湧溪錦溪靈泉溪白石溪雙鷺溪隱仙溪梅溪桃溪中溪綠玉溪龍龍溪青碧溪莫殘溪寧溪溪陽南溪皆山椒積雪融

化下瀉瀑布懸空有銀河落天之勢入十九峯之谷爲十八溪東流注於洱海 跨太和鄧川賓川趙州四縣境周三百里深達

五十餘尋水色清綠中有金梭赤文玉几三島及青莎大貫鴛鴦馬

廉四洲風景奇勝甲於西南龍首龍尾二關扼其南北自古稱險要

之地湖魚以弓魚爲著名帆船通附近鄉鎮濱湖名勝有西岸之點

蒼山及浩然閣吐口在南西流會漾濞江同入於瀾滄江

撫仙湖以湖畔撫仙石得名跨寧州今華寧河陽今激江縣江川三州縣境而距

河陽城爲近故一稱激江湖激江府治河陽故河陽一稱激江西南受星雲湖水北納立馬

羅藏玕札三溪均河陽城附近南流小水周二百餘里深達三十餘丈湖水深青與天

同色中有一島孤峙名曰孤山但風景雖佳而水產甚少所產康郎魚銷行省會惟身小味劣獲利甚微舟楫缺乏惟星雲湖船間往來於其中其與星雲湖相通處兩山夾束渠長三里有一石筍高數丈屹立渠中上鑿界魚石三字石東所漁皆撫仙湖之康郎魚石西所漁皆星雲湖之大頭魚殆水味有鹹淡之別魚過界即不適生存歟吐口在東南下流入於南盤江

異龍湖一名石屏湖在石屏城東一里其成因由地震陷落後北岸萊玉乾陽兩山清泉數十注入其中成爲周一百五十里之大發源

湖雖每歲七八月間城河

即寶秀湖之委惟七八月有水寶秀湖在石屏城西二十里以居寶秀二山之間得名康雍間某巨紳迷信祥瑞強改爲赤瑞湖然輿論不順至今仍稱寶秀湖古

時周二十餘里遍植芙蕖風景絕佳近爲鄉八開放城田面積大減荷花亦絕種矣

及南沙河

石屏城南小沙河惟七八月間有水

之潦水亦入其中然皆非

湖之源也

昔人誤以寶秀湖爲湖之源故特爲辨正

惟其爲發源湖故深雖僅達三丈而水極清

西部有小嶼三曰大水城曰小水城

俗並改爲瑞城

曰浮石舫

以形如舟浮水面得名俗稱馬地龍謂如一馬抱於龍湖之上也

南部有湖灣九曰大灣曰高家灣曰楊家灣曰馬房灣曰豆地灣曰羅色灣曰柿子灣曰青魚灣曰白浪灣蓋南山之支脉伸入湖中爲五爪木魚等山而此等山又分爲若干支故劃湖之南部爲九與西部三小嶼合稱九曲三島焉昔年漁業頗盛乾魚遍銷鄰近州縣遠至思普茶山近數十年來漁家多入箇舊改營礦業漁業頓衰魚以花魚爲最美惜所產甚少湖中有浮水蒲可以移動俗稱草筏湖民刈以織蓆柔軟可疊摺用途甚廣惟所出亦不多蓮花盛於明代皆巨朶錦邊惜近多改種菱民船通附近鄉鎮行駛笨拙不求改良湖中名勝有海潮寺後樂亭

一名來鶴亭

水月寺湖畔名勝有廣印寺乾陽山

皆明代鄉紳所營近因無人修理樓閣漸就傾頽吐口在東稱湖口

河東流至建水境左會曠野河爲瀘江灌溉區域甚廣入於南盤江
瀘沽湖一作魯窟湖在永北直隸廳勝今永勝縣屬永寧土府境周一百五十
里中有三島高可百丈吐口在北左會勒汲河爲打冲河入四川省
境歸鴉龍江此湖上無河流蓋亦一發源湖云

以上五湖皆周百里以上可稱本省五大湖故特摘列於前其餘數
十里以下之小湖甚多分府載之

各府湖澤

雲南府

翠湖本名九龍池以九泉所匯得名在府城內西北隅周二里有餘
明時爲沐氏所有稱柳營後歸公中爲放生池荷塘柳隄四面環繞
殊有城市山林之妙碧漪亭一名湖心亭蓮笑樓圖書館及錢南園先生祠

堂在焉水由西城牆下出入於滇池此湖甚小於水利無關因在會城之中有人工點綴風景佳勝游客所集故載之此外數里小湖無關大利害者從略

明湖一名陽宗湖在舊陽宗縣縣廢後分屬宜良河陽二縣匯河陽北境溪澗之水周七十餘里岸高水深南口復狹隘而當西南風之衝故風浪甚大漁船殊少有窮湖之稱現滇越鐵路經過其旁吐口在東北宜良境下流爲大城江由湯池東流經宜良縣城南入於南

盤江

嘉利澤在嵩明一名楊林湖古時甚大今爲邑人放乾源委見河流牛欄江

大理府

青龍湖在雲南縣東南周二十里源委見河流一泡江

周官湖及品甸湖均在雲南縣東北周官較大灌漑海壩村千官屯水大村一帶田畝品甸較小漑灌東北十三村田畝明初曾於此屯田源委均見河流一泡江

茈碧湖在浪穹縣東北十五里面積雖不甚大而水清深中產茈碧花似蓮而小其葉可食源委見洱海

東湖西湖在鄧川城東西爲邑人游賞之地源委均見洱海

天池在雲龍西北六十里高據山巔渟泓十里

臨安府

杞麓湖以杞麓山得名在通海城北一里而分屬於寧州河西西受河西碌溪河及普應溪之水

均河西境內
東流小水

南納通海黃龍白馬東華諸山

水周八十里帆船通通海河西二縣城及附近鄉鎮湖無吐口由東岸平地上—石穴下墜謂之落水洞附近名勝有通海之秀山

鯉湖一名大屯湖在蒙自西大屯壩周二十餘里中產鯉魚供給蒙自箇舊兩地其下游有長橋波黑三脚學海四湖均甚小今並放乾

楚雄府

七湖在姚州城西南方言稱陂堰爲湖其數凡七皆前代所築潯水灌田民皆賴之

澂江府

星雲湖一名江川湖在江川縣城南十里而分屬於寧州受東中西

三小河之水

東河出江川縣北關索嶺中河出江川縣北疊翠山西河出江川縣西二十里均南流匯星雲湖

周六十里水清魚美大頭魚

青魚均有名湖小魚大與下流撫仙湖之湖大魚小恰相反東南岸

有螺螄山高數十丈山頂皆螺殼不可以數計而他山則無之足徵地殼因地震而變動之遺迹吐口在東北束爲一渠流入撫仙湖以界魚石分兩湖之界

曲靖府

東湖在南寧城東五里周五十餘里

陸涼湖一名東湖在陸涼城東三十里中延澤之東北夏秋水漲與澤混合爲一極目汪洋冬春則縮小

中延澤一名雲崖澤在陸涼城東南三十里夏秋水漲周達百里冬春縮小源委見河流南盤江

車湖一名清水湖在尋甸城西三十里爲四面山水所潴有灌溉之利水色澄碧中產嘉魚